

Canones dictos Apostolicos, et in Concilium Illiberitanum (d' Elvire) habitum circa an. 300. omnem Ecclesiae doctrinam et disciplinam late pervagantia, et bonae frugis uberrima.

Volumen II. Folior. 408. prae-missis iterum Indicibus commentatur eodem modo in Concilia Arelatense I. Ancyranum, Neocaesareaense, Laodicense, Nicaenum I.

Volumen III. Folior. 390. Concilia Gangrense, Antiochenum, Sardicense, Carthaginien- se, CPolitanum I. Valentinum, Taurinense, Carthaginien- se II. III. IV. exequitur, quibus si Concilia in supra memorato Dissertationum Tomo discussa addas, magnam lucem omni Rei synodicae primorum VII. Seculorum a Thomassino hifce suis observationibus affundi lubens fatebere.

DCCCCXXXIV.

U. 521 Codex chartaceus lat. Sec. XV. Folior. 385. 4. non una manu perscriptus, et rubricis distinctus totus paene Gersonianus est, et e Concilio Constantiensi a Theologo nostro Petro Zach de Pulka Viennam deVectus videtur. Indicabo singula ad Editionem Operum omn. 1706. f. quae Antverpiam quidem praefert ad captandam benevolentiam, interim Amstelodamum pertinet. Comparet igitur I. Prima propositio domini Cancellarij parisiensis. facta Constantie die iouis de vespere. 17. octobr. vigilia beati Luce evangeliste

1415. in loco publice Sessionis super materia IX. assertionum (Johan. Parvi) per ipsum iudicialiter denunciatarum. Init: *Estimo me beatum aput te &c.* ut Edit. T. II. col. 330. Definit: *per quem veritas et gratia facta est Ihesu christo qui est deus benedictus in secula Amen.* Redit hic Tractatus fol. 43.

Fol. 10. Secunda Propositio Gerson Cancellarij Parysien. Nempe: *Oportet hereses esse sicut apostolus &c.* In Edit. T. II. col. 338. inscribitur *Alius Sermo &c.* Nobis definit: *velit esse Iudex testis et pars &c.* Itaque Edita aliquot lineis procurrunt, quae, an pertinentes sint, nescio. Etiam hic Tractatus redit fol. 55.

Fol. 26. Discutitur Quaestio, an liceat a Pontifice in causis Fidei appellare, aut illius iudicium declinare, ut T. II. col. 303. Initium: *Queritur utrum hec assertio sit catholica. Tam Jure diuinitus promulgato &c.* Folio praevio puro legitur: *Tradatur magistro P. de Pulka, et ad ipsum Titulum minio: Hoc scriptum a Cancellario parysien. Ego tuli.*

Fol. 32. Secuntur duodecim considerationes super spirituum probatione. Anno MCCCCXV. die VIII. Augusti in Ciuitate Constant. dum generale Concilium illic esset, extracte ab Okam per Cancellarium Parysien. Jo. de Gerson. Ineunt: *Probate spiritus si ex deo sunt &c.* ut. T. I. col. 38. ubi tamen ad calcem pro die VIII. Aug. ponitur in die sancti Augustini,

stini, taceturque de *Guil. Ocamo* famoso illo O. M. Doctore. Exemplar aliud fol. 143.

Fol. 77. Incipit prologus in tractatum de spiritali vita anime Magistri Johannis Gerson Cancellarij parisiensis viri deuoti pariter et literatissimi. Dirigitur ad Petrum de Alliaco Ep. Camerac. Autoris in Theologicis Praeceptorum. Tractatus ipse VI. Lectionibus definitus incipit: *Ego vos baptizauit aqua &c.* ut T. III. col. 1.

Fol. 149. absque Inscriptione Remedia XII. contra Tentationes. Ineunt: *Ad honorem dei dicam aliqua remedia contra aliquas temptationes spirituales, quae in hoc tempore habundant in terra ad probandos et purgandos dei electos &c.* Provenire eas discimus: Primo per suggestionem et illusionem dyaboli decipientis hominem circa regimen quod debet habere erga deum et illa quae dei sunt. Secundo per corruptam doctrinam et modum viuendi illorum, qui iam victi sunt a predictis temptationibus. His igitur Remedia praescribuntur, quae quidem in Gersonis Operibus non reperio. Quare aut illius non fuit, aut omnes haecenus Editores fugerint. Finiunt: *et sic domino iuuante ipsas superabis. Amen.*

Fol. 159. Johannes de Gersona de X. Preceptis. Alias Opusculum tripertitum de Decalogo, Confessione et Arte moriendi, ut T. I. col. 427. Init: *Christianitati suus qualiscunque Zelator &c.* Integrum.

Fol. 179. p. 2. Tractatus de corpore christi Domini Boneuenture. In edit. Lugdun. Opp. omn. T. VII. p. 66. inscribitur: *De Praeparatione ad Missam* et incipit: *Ad honorem gloriose ac indiuidue trinitatis, Et ad honorem excellentissimi Sacramenti &c.* Ab-rumpitur in Codice ante finem Cap. 8. his verbis: *huius excessiue caritatis et dulcissime — —.*

Fol. 190. Tractatus M. Joh. de Gersona. Incipit: *Super materia Symoniace labis in Collatione beneficiorum per papam &c.* Recte igitur T. II. col. 645. inscriptus *De Simonia.*

Fol. 197. Secuntur asserciones generalis ordinis predicatorum promulgate in sermone suo quem fecit die quarta Mens. octobr. id est in die Sancti francisci apud fratres minores in Constan. Concilio Anno Domini M^o &c. XVI^o. Sunt numero IV. cum totidem corollariis, agunt de Gladio spiritali, five summa Potestate, quae in Ecclesia resideat inseparabiliter, in Papa vero separabiliter, et concludunt, Concilium Constant. quia ecclesia papa caret, aut legitimum non habet, approbanda et reprobanda in ipsa ecclesia habere diffinire et determinare. De Sermone, quem M. Leonardus Statius de Datis generalis XXV. Ord. Praed. ut supra enuntiatum est, habuit, altum silent Labbeus, Hardtius, Mansius, ipsi Ord. Bibliothecarii. Συνοψιν nostram se publicare ait, quod quidam conati sunt assertiones suas ad sensum trahere repugnan-

nantem, videlicet hunc: Concilium non potuisse deponere olim Johannem (XXIII.) ac Pisanum concilium fuisse nullum.

Fol. 198. *Traſtatus M. Jo. Fairſon Cancell. Pariſien. de po- teſtate eccleſiaſtica et de origine Juris et legum.* Init: *Prohemium quod expedit inquirere de eccleſiaſtica po- teſtate &c.* ut T. II. col. 225. Verum in calce poſt verba: *uel de iure uel de facto*, ita deſleſcit Noſter: *Hec interim habui que de eccleſiaſtica po- teſtate et de origine iuris ſummatim differe- rem. Si complete, fecit Deus per me, quod volui, ſi minus, feci, quod potui. Suppleat imperfe- ctum meum prudens lector. Scriptum Conſtan. tempore generalis Con- cilij.* Et rubro: *Explicit preſens traſtatus per Weyperti manus Hetzler de Steynach.* ut videtur, Tyroleos. Adhaerent Tres Con- cluſiones et Arbor, ut in Editis.

Fol. 233. p. 2. Quaedam ve- luti Continuatio praecedentis Tra- ſtatus incipiens: *Ad confirmandum ea que de origine et ordine elleſia- ſticae po- teſtatis predicta ſunt, ali- qua conuenit ſubiungere de origine juris quod habent clerici qui eccle- ſiaſtici dicuntur, in bonis que eccle- ſiaſtica nominantur &c.* Fruſtra haec in Edit. cit. apud Gerſonem quaeres. In *Append. T. II. col. 942. Caput. I. Partis 2. Traſta- tus Petri de Alliaco de Eccleſiae &c. Autoritate conſtituunt.* Quam recte? Viderint, quibus de uno Gerſone, aut *Alliacenſi* res eſt. Ego multis operam addixi.

Fol. 240. *Sermo Cancellarij pariſien. in reſeſſu Regis Roma- norum a Conſtantia ad Regem Ar- ragonum et petrum de luna pro vni- one eccleſie procuranda.* Initium: *Proſperum iter faciet nobis deus &c.* ut T. II. col. 273. et nobis non uno Codice in iter Sigismundi non ideo minus memorandum, quod ſucceſſu ca- ruit.

Fol. 246. p. 2. Triplex ejus- dem Gerſonis Excerptum. 1) De Confeſſionis Materia e Reſponſo ad Vicarium Carthuſ. quod extat T. II. col. 460. 2) Ex *Auiſamen- to de Confeſſionibus Religioſorum*, col. 462. 3) Ex *Diſtinctione de Modo Excommunicationum*, col. 403.

Fol. 249. *Traſtatus Job. de Jarſana Cancell. Paryſ. de ſuſce- ptione humanitatis chriſti ſuper verbo Cantici Marie: Suſcepit iſ- rael puerum ſuum.* Inſcriptus: *Reuerendo patri domino Prouincia- li celeſtinorum fratri Johanni Baſ- ſandi &c.* incipit: *Cecinit Maria. Suſcepit iſrael &c.* ut T. I. col. 450. ubi tamen in fine notatur menſis December, qui nobis Sep- tember eſt.

Fol. 257. *Magiſtri Johannis de Garſana Cancell. paryſ. Epiſtola ad epiſcopum quendam ut caſus ſo- lum manifeſtos uel paucos occultos reſeruet.* Init: *Pontificali dignita- ti ſuus qualiscunque zelator clavi- bus bene uti &c.* Extat T. II. col. 415.

Fol. 258. p. 2. *Opusculum de modo viuendi omnium fidelium.* Ini- tium:

tium: *Regula prima que spectat ad nobiles &c. ut col. 538.*

Fol. 261. Incipit prologus Johannis de Gersona olim Cancellarij parys. M. sacre pagine venerandissimi. Sic: Penitemini et credite evangelio. Marc. I. Astrinxit me promissio nouissima &c. Igitur in Opus bipartitum de Theologia Mystica Speculativa, et practica, prout legitur T. III. col. 361. Adscribam tamen Clausulam nostram: Expliciunt considerationes siue libelli de mystica theologia Venerabilis — edite ab eodem Anno domini MCCCC7^{mo} et recensite ab eo siue relecte et probate sicut propria manu subscripsit in exemplari quod ad carthusiam misit de ciuitate lugdunensi Anno Domini MCCCC22^o. Quae si ita habent, fallit Dupinius in Gersonianis edit. cit. praefixis L. III. §. 3. annum compositionis 1419. adsignando. Clausula edit. col. 422. Codicem citat Anni 1679. Oppido vetustum!

Fol. 319. p. 2. Incipit Prologus ejusdem venerabilis Johannis gerson in tractatum de contractibus in quo captiuitatis humane etiam christiane religionis deplangit misérias et erumpnas praesertim illorum qui monachi dicuntur eo quod deo mancipati cogantur secularibus negocijs superuacare. Initium est: Qui volunt diuites fieri incidunt in laqueum &c. Tractatus ipse tripartitus est ejusque Pars I. non quadruplici, ut Codex noster, sed quintuplici, ut habent Edita T. III. col. 165. Quaternario ab-

soluitur. E clausula nostra subpleo. Tractatum hunc scriptum fuisse Lugduni ad instantiam Domus Majoris Carthusiae Priore Gwilhelmo de Mota.

Fol. 350. praemisso Indiculo. Sequitur tractatus de sollicitudine ecclesiasticorum Magistri Johannis de gersonis cancellarij beate marie parys. ad fratres celestinos continens 68. particulas. Prooemium incipit: Nolite solliciti esse. Matth. 6. Luce 12. Jubet hoc supremus abbas noster ihesus christus &c. ut T. II. col. 597. Integer.

Fol. 365. Incipit tractatus Venerabilis doctoris Johannis gerson — de oratione et suo valore continuatione et intentione sub pluribus considerationibus traditus et conscriptus sub constanciensi concilio generali sancte ecclesie Anno Domini MCCCC sexto decimo. Ejus initium: Oportet semper orare et non deficere. Scripsit tulus accuratissime &c. ut T. III. col. 247.

Fol. demum 379. Incipit tractatus de cura curatorum ut videtur Magistri Johannis de gersona Cancellarij Parysiens. Non dubitant Edita e Codd. Victorin. et Colbertin. T. II. col. 558. adduntque Titulo: De Visitatione Praelatorum. Initium est: Ad laudem dei et edificationem populi christiani compilata est hec breuis et rudis compilatio tempore quo celebrabatur remis Prouinciale consilium Anno Demini MCCCCVIII. (ultima) Aprilis &c. Et interfuisse Johannem huic Synodo vel Sermo pro-

2223

SYNODICI.

2224

probat ab illo ibidem habitus in *Job. 10. Bonus Pastor* &c. qui in *Edit. col. 542.* praecedit. En quantum *Gersonianorum* cum hoc, tum tot aliis Codicibus a me relatis vel *Vindobonae* reperissent Editores *Amstelodamenses*.

DCCCCXXXV.

U. 218

Codex chartaceus lat. Sec. XV. Folior. 479. 4. una per totum manu scriptus, et rubricis distinctus in anteriore Theca haec praefert: *Anno domini 48. propter Deum cum consilio magistri Urbani plebani in Stain*, quae verba cum etiam *Commentarius in Ecclesiasticum* a M. Paulo de Mellico Collegio Ducali *Vien.* legatus et hoc *Vol.* recensitus praeferat, dubium non est, praesentem quoque Codicem ejus donum esse. Continet vero ille *Sermones in Concilio Constantiensi* habitos. Indicavit ejusmodi Συλλογὴν e *Cod. Kraftiano Sermonum XLI.* inclitus *Schelbornius Amoenit. lit. T. III.* alteram e *Cod. Blavifontano Sermonum XXVIII. T. XI.* Nos *Vol. I. P. 3.* inter *Synodicos* fimilem dedimus *Sermonum XXXI.* Ast hic, quem volvimus, praegnantior ad numerum LVII. praeter *Fragmenta* quaedam adscendit. Eorum porro, vocatis in consilium praedictis Codicibus, feriem dabo, illis obiter perstrictis, de quibus jam *Codice cit.* egi.

Praevio Indice Thematum textualium fol. 2. *Sermo M. Petri de Pulka. Hij sunt viri misericordie* &c.

Fol. 18. *Sermo M. Stephani (Palecz) de Praga sacre theologie professoris. Resistite fortes in fide* &c.

Fol. 31. p. 2. *Sermo M. Mauricii de Praga sacre theologie professoris. Dom. VII. post Pentec. Attendite a falsis prophetis* &c.

Fol. 42. p. 2. Ejusdem *Sermo. Dom. 15. Hec vidua erat* &c.

Fol. 49. p. 2. *Sermo pulcher predicatus in Concilio Constant. anno domini MCCCCXVI. Fratres libenter suffertis insipientes* &c. Excerptum e *Cod. Kraft.* dedit *Schelbornius p. 50.* Ibi Autor praescribitur *M. H. V.* de quo nil divino.

Fol. 61. *Sermo bonus de assumptione beate virginis pronuntiatus in constantia. Maria optimam partem elegit* &c. Incipit: *Beatus Bernardus in quodam sermone de hac festinitate dicit: Fateor impericiam meam* &c. et totus in Virginis laude absimitur.

Fol. 71. p. 2. *Sermo factus in synodo Constan. die XV. septembr. Obsecro vos, sitis in caritate radicati* &c. Habetur in *Cod. Blavifont.* pariter ἀδεσποτος.

Fol. 79. p. 2. Sine inscriptione: *Ite et vos in vineam meam* &c. Est *Theodorici de Monasterio.* Ad calcem: *predicatus in concilio constan. in LXX.*

Fol. 89. Sine inscriptione: *Omnis qui se exaltat, humiliabitur* &c. Incipit: *Symon de Cassia lib. VI. post medium de vita christiana exponens predictum passum sic inquit: Exaltacio a se ipso ad casum fit* &c. et enumeratis Superbiae